

# جَزَائِرَ مَحَاكِمَتِ

جمعه ايرتسی

نومرو	صفر	سنه	تشرین ثانی	سنه	صحیفه
۲۷۴	۴	۱۳۰۲	۱۰	۱۳۰۰	۲۳۰۵

\* اشبو غزته بهر هفته جمعه ايرتسی کونلری چيقار سنه لکی در سعادت ایچون مجیدیه  
 \* یکر می غروش حسابله التمش غروشدر طشره لر ایچون اون بش غروش پوسته اجرتی ضم اولنور بهر  
 \* نسخه سی نه مجیدیه یکر می غروش اولوق اوزره یوز یاره به هر یرده صاتیلور درج اولنه جق اعلاناتک  
 \* هر برندن بر مجیدیه اخذ اولنور سنه لکنه مشتری اولوق استیانلر عدلیه نظارتی داتره سنده کاشن  
 \* جریده محاکم اداره سنه مراجعت ایلیدر

## قسم رسمی

عدلیه نظارت جلیله سی مستشاری عطوفتلو  
 واحان افندی حضرتلرینه برنجی رتبه دن نشان  
 عالی عثمانی احسان پیورلمشدر

( عدلیه نظارت جلیله سنندن فی ۲۸ محرم )  
 ( سنه ۱۳۰۲ وفی ۵ تشرین ثانی سنه ۱۳۰۰ تاریخیه )  
 ( در سعادت و ولایات عدلیه مفتش لکرینه )  
 ( یاز یلان تحریرات عمومیه نک صورتیدر )

اعلامات حقوقیه ایله محکوم به دیونک استیفاسیچون

محاکم ابتدایه اجرا دواثری طرفندن فروخت  
 اولنان املاک و اراضینک استیفاسی ایجاب ایدن  
 و یرکولر بنک تحت حکمه النسی لزومی بعض محاکم  
 اجرا دواثرندن بیان اولنتمده ایسه ده بو صورت  
 مطلوبات خزینه نک اضاعه سنی موجب اولدیغندن  
 بحثله اجرای ایجابی مالیه نظارت جلیله سنندن  
 اشعار اولنمش و خزینه نک حکمه ر بط اولنه جق  
 مطلوباتی مقاولات منعقدیه مستند و عقود  
 عادیه ن منبعث اولان دیونی اولوب و یرکو  
 کبی اداره تحصیل ایجاب ایدن حقوق امیریه نک  
 تحت حکمه النسی ایجاب ایتیه چکنه نظراً محاکم  
 و دواثر اجرائیه سنندن فروخت اولنه جق املاک  
 غیر منقوله و یرکولر بنک بلا حکم مال صندوقلرینه  
 اداسه لزومی ظاهر اولدیغنه نظراً اجرای ایجابی

MILLI KÜTÜPHANE  
ANKARA

۲۹۹

دائرة تفتيشه لرنده بولنان محاکم رؤسائنه تبليغ  
اولئق اوزره اشبو تحریراتک نسخ مطبوعه سندن  
عددی لفا ارسان قلمش اولغله ایفای  
مقتضای

### قسم غیر رسمی

( شهادتله اخبار بیننده کی فرق )

شهادت ایله اخبار بیننده فرق وار . و بوفرق علوم  
وقوانینه انتسابی اولئر ایچون بیلیمه جک برشی  
دکل ایسه ده بیلیانلرک وجودیده قابل انکار  
اوله میه جغنی بیدار و ذاتاً مخلوق ایچون جهل  
اصل اولوب عیلمک برصفت عارضه بولمسی وهرشیتمک  
براساسه ابتنا واستناد التمسیده قواعد کلیه دن  
اولسی جهتمله تعریف دخی بیلیانده عائد اولمق  
امور طبیعیه دن وعلی الخصوص شو فرقه عدم  
دقتدن بعض طشره محکمه لرنبه عظیم وجسیم  
خطار تولیدیه تجار به مبتنی حالات بدیهیه دن  
اولسنه نظراً بوبابده بعض ایضاحات اعطاسی  
فائده دن خالی اولیه جغنی آشکاردر

( شهادت ) اساساً کورمک معناسنی مفید وایکی  
قسمه منقسم اوله رق بر قسمی رؤیته ودیکر قسمیده  
استماعه مستند یعنی کوردیکنی وایشتمدیکنی تعیین  
حقیقت وماهیته حضورحاکمه سو بیلیانلر شاهددر

( اخبار ) ایسه علی الاطلاق خبرورمک دیمکدرکه  
خبر ویرنه خبر دینلدیکنک تعریفی بیله زائددر  
خبرک صدق وکذب احتمالی وار ایسه ده شهادتک  
صدق وحقیتله مؤسس اولسی لازم ولابددر

شاهد بر ماده ده کوره جکی حالی ایشیده جکی حالی  
بیان ایلر فقط رؤسائو نلزده حضورحاکمه کتور یوب  
صورلدیغنده سو یلر

مخبر ایسه کرک رؤیته وکرک روایته مبنی وصدق  
وکذب احتمالی طبیعی اولان هرشیی رؤساکلوب  
مرجع مخصوصنه افاده ایلر

مخبرک اخباری مبادی دعوان معدود لکن شهادتک  
شهادتده دعوانک نتیجه سی اولان حکمه تأثیریدر  
حقایق موجود اوله جغنی رونموددر

اخبار حکمی استلزام ایتزیا لکز محاکمه یی ایجاب  
ایده ییلور

شهادت ایسه حکمی اقتضا ایلر . بونک ایچوندرکه  
اصول محاکمه جزاییه قانوننده مسطور اولدیغنی  
اوزره محکمه جزاییه ده شاهد مین ایتکه مجبوردر  
مخبر ایسه مین ایله مکلف اولیه رق یالکز ممعی  
ومهور بر اخبارنامه ویره جکی و بو ایسه اینی  
خبر ورن ککندوسی اولدیغنی بیلمک ولدی  
الاقتضا یعنی اخبارنامه ایلدیکی ماده دن طولایی  
تحت محاکمه به انه جق مظنون علیه تبریه ذت  
ایدوبده ضرر و زیان دعوا سنده بولنه جق اولور  
ایسه اخبارینی انکار ایده مامک ایچون اتخادی  
مقتضی اولان برتدیر ایدوکی غیر مستوردر

مخبر اخبارنده کذب چبقارسه علیه نه یالکز متضرر  
اولان شخص اقتضاسنه کوره تضمینات وافترا  
دعوالری اقامه ایده ییلور ایسه ده طوغری دن  
طوغری به حقوق عمومیه دعواسی اقامه اولنه من

قطط شاهدک شهادتنده کذب اولدیغنی  
اکلا شیلورسه مدعی عمومی درحال اقامه  
دعوا به مجبوردر

اخبارک تأثیری موقت وعادی وشهادتک تأثیری  
ایسه متمادیدر

اخبار مجرد اقامتگاهی اولانلره احضار نامه  
ارسالیچون سبب کافی اوله میه جغنی اصول  
محاکمه جزاییه قانون موقنک اوتوز یدنجی  
ماده سنده محرر بولتمسیده اخبار مجرد سبب ومبدأ  
تحقیقات اولوب یوخسه محکومیه دکل مظنونیه  
بیله اماره کافیه اوله میه جغنی قضیه سننه مبنی  
ویالکز جنایت رئیس لرینک اظهار حقه مدار  
اولمق ایچون جلب ایده جگری کسانک افاده لری  
رؤساً وقوعبولان اخبارات عادیه به نسبتله براز  
قویدر

چونکه بر جنایت دعواسی محکمه جنایت کانه به قدر  
استنطاق وهیئت اتهامیه ومدعی عمومیلک دائره  
لرندن کچه جکی جهتمله اسباب ثبوتیه استحضار  
اولتمش دیمک اوله جغندن محکمه جنایت رئیس لک  
اظهار حقه مدار اولمق اوزره جلب ایده جکی  
کسانک افاده و اخبارلری یا موجود اولان اماراتی  
ویامتهم طرفندن وقوعبوله جق مدافعاتی تقویه

ویا خود افادات طرفینک یکدیگرینه تقابلیله متهمک  
لهنه وعلیه نه درجه متساویه ومتقابله ده امارات  
بولنور یعنی افادات طرفینک موازنه سنده تردد  
حاصل اوله جق برحاله کلنور ایسه وجدانی  
تردد واشتباهدن تصفیه ایده ییلور که شو اویج  
جهتمله حکمه تأثیری اوله ییلور . فقط بوتأثیر  
کذب اثبات اولنه میان شهادتله مثبت بر دعوا به  
شامل اوله میه جغنی وارسته قیدوتز بیردر

شهادت بینانک اک معتبری و اخبار ایسه اماراتک  
اضعف واصغریدر

شهادت قول خاص و اخبار قول عام اوله رق  
بینلرنده کی فرق فرق کلی و اخبارک شهادت  
درجه سننه تقریبی صدقه اضافتیه قابل اوله  
ییلور سه ده او حالده مخبر دخی تجویل وظیفه  
ایله شاهد اولمق وشاهدک اوصاف ومکلفیتی  
حاضر بولتمق لزومی امر جلیدر شو قدر وارکه  
اصول محاکمه جزاییه قانون موقنک ایکویز یتش  
اوچنجی ماده سنده مکافاة نقدیه به نائل اولان  
مخبرلرک شهادتلی مسجوع اوله میه جغنی محرر  
ومحکیدر

مکافاة نقدیه به نائل اولان مخبرلر دولجه اخبار به  
اعطاسی نظام تحتنده بولنان مکتومات میریه یی  
اخبار ایدن کسننه لردرکه اومکتومانک کتمنده  
مدخلی اولان اشخاص علیه لرنده شهادت ایده مزله .  
زیرا مخبر اولان ذات مادامکه اخبار ایلدیکی


مکتومانگ ظاهره اخراجنده اخباریه الهجق  
یعنی برمنفعت مالیه سی اوله جق ومکتومانگ  
ظاهره چیتمسیده اسباب ثبوتیه به محتاج بولنه جقدر  
ارتق او مخبرك افاداتی عادتا دما نوعندن وکندوسیده  
بالاخره طرفیندن معدود اوله جغه مبنی طولایسبله  
کندولهنه چیقه جق بویله برشیده شهادتی  
جائز اوله مامق طبیعیدر

آحاد ناس طرفندن ظاهره اخراجی ضمنده وعد  
مکافاة اولنان برمال مکتومی اخبار ایندرکده  
مکتومات میره مخبرلرندن فرقی اوله میه جغندن انلرک  
دخی اخبار ایلدکری یعنی مکافاة تقدیه اله جقدری  
مادهده شهادتلی مسموع اوله میه جغنی بدیهیدر

ایشته بویله مکافاة تقدیه به نائل اوله جق مخبرلرندن  
ماعدابی غرض مخبرلرک شهادتی جائز و فقط شهادت  
ایده جک مخبرلرک اول بول شهادته تعلق این تکلیفات  
ومعاملات قانونیه به تابع اوللری لازم کله جکی  
امر بارزدر

حاصلی شهادت بشقه و اخبار بشقه اولوب  
بالاده ذکر اولندیغی وجهله مخبر بعضاً شاهد  
اوله بیلورسدهده شاهده مخبر اطلاق هم قواعد علییه به  
همده تعبیرات قانونیه به مخالف ومنافی وقانونک  
اصطلاحاته عدم دقت احکامنه رعایتسزلکی  
مؤیدر

دیار بکر ولایتی استیناف  
محکمه سی جزا دأرہ سی  
رئیس خلد



قانونیسی متحقق اولمغله خزینه وکیلنک ادعاسنک  
استماع ایلمسی وایضا احنامه نك بشجی ققره سی  
حکمنجه داخلیه دأرہ سنک اتهامه دأر اولان  
قرارلری دخی محتاج تصدیق اولدیغندن حنیف  
افندینک محاکمه سنه دوام اولنسی متحداً بالتذکر  
طرفینه تفهیم ایله مواد اربعه دن برنجیسی اولان  
تجاردن قزابقه افندی ایله شریکی یوسفاکینک  
تقاص ومحسوب ایدیلان دینی مسئله سنک  
محاکمه سنه ابتدار اولندقدده مدعی عمومی جمال بک  
افندی قرار نامه مندرجاتنی ایضاح ایتدکدنصکره  
خزینه وکیللی عمر اشرف افندینک استدعا نامه سنک  
بوایشه دأر اولان بندی لدی القرائه مألنده  
قزابقه افندی ایله یوسفاکینک طقسان بش سنه سنه  
محسوباً اله جقدری اولان مبالغک طقسان التی  
سنه سی بدل اعشار وصدماهی رسومندن وقوع بولان  
دینلری ایله تقاص ومحسوب ایلمسی هم شرط احاله  
به همده دیون عتیقه نك صورت تسویه سی حقدده تشکیل  
اولنان قومیسوبونندن ویریله جک قراره انتظار آدیون  
مذکورہ نك تأخیر تسویه سنه دأر صادر اولان اراده  
سنیه احکامنه مغایر اولمغله برابر دیون عتیقه نك  
تسویه سی حقدده کی امثاله دخی توفیق ایلمدیکی  
جهتله خزینه جلیله نك برملیون عروش اضرار  
ایلمدیکی بیان قلمشدر

تحمسین بک قزابقه افندی و یوسفاکینک اموال  
ولایتدن اولان مطلوبلرینک دینلری ایله اجرای  
محسوبی حقدده مجلس اداره ولایتدن تنظیم  
اولنان مضبطهده مهر وامضاسی ولایوب ایش  
بودین ومطلوبک نصورتله تسویه ایلمدیکنه دأر

مالیه نظارتک استفساری اوزرینه تنظیم قلمنان  
مضبطه بی مهرلمش ایسهده بوندن طولایی مسؤل  
اوله میه جغنی طبیعی بولندیغنی ومواد مدعا بهانک  
مجلس اداره جه مذاکره سننده بولنمیوب حتی اعشار  
مسئله سنک با امر سامی تحقیقنه مأمور اولدیغی  
حالده داخلیه دأرہ سنجه تحت محاکمه التمسنی  
موجب اولان سبب کندوسنجه مجهول اولدیغی  
کی مستنطق طرفندن منع محاکمه سنه قرار ویرلمش  
ایکن خزینه جلیله وکیللی عمر اشرف افندینک  
اعتراضی اوزرینه یالکز حقوق خزینه دن طولایی  
محاکمه ایلمکده بولندیغندن کندوسنک موجب  
محاکمه اولان فعلنک عمر اشرف افندی طرفندن  
بیان قلمسنی و بر ماده تعیین ایده مدیکی صورتهده  
بلاموجب اوج سنه دنبرو محاکمه التنده بولنهرق  
مغذور ومأمور اولدیغی حلب نیابئندن معزول  
اولمش اولدیغندن ایجاب ایندر علیهده اقامه  
دعوی ایده جکئی افاده ایله بومألده برورقه  
اعطنا ایلمدی

رشابنک لایحه لرنده معامله محسوبیه نك اجراسی  
خصوصنک مجلس اداره جه تصویبنی موجب  
اولان اسباب اولا قزابقه افندینک یدنده بولنان  
قونطوراتو سنندده حکومته بورجی ظهور  
ایدرایسه اله جغلیله محسوبنک اجراسی مشروط  
ومقید بولنسی ثانیاً بوقونطوراتو سنندینی هر قغنی  
محکمه به ابراز ایله اقامه دعوی ایسه حتی تصدیق  
اولنه جغنک طبیعی اولسی ثالثاً طول مدت حقی  
اله مدیغندن طولایی یدنده کی قونطوراتو سنندی

معامله محسوب به بالطبع حاصل اولمش اولدیندن مجلس اداره جه معامله قلمه اجرا سندن عبارت قلان محسوب رأینک بیان قلمسندن طولایی مؤکلری حقنده مسؤلیت ترتب ایتیمه چکی کبی خزینه دن مطلوبی اولنره اعشار احاله ایدلماسنه دائر برنظام اولدینندن و اموال ولایتک اخذ و صرفی و عند الايجاب استیذان ایدلسی و الیله مائد ایدو کندن بونلردن طولایی دخی مؤکلرینه سؤال توجه ایتیمه حکمی بیان اولمشدر

مریم قولی افندی رشاد بک ایله مصطفی افدینک لایحه لری مألنی کندوسی دخی قبول ایتدیکنی بیان و قزاقه افندی طرفندن ویرلمش بر عرضحال صورتنی اعطا ایله بونگ اوزرینه واقع اولان افاده سی و اولجه ویردیکی لایحه سنک خلاصه سی اشو تقاص و محسوبک اجرا سنه مجلس اداره جه قرار ویرلدیکی حالده ارزاق متعهدلریک حکومتدن امنیتری منسلب اوله جغنی جهته طوغربدن طوغری به مقام ولایتدن محسوبک اجراسی حسب الحال ضروری اولدیغنی کبی قزاقه افندی علیه اقامه دعوی ایدلسه انکده حکومت علیه اقامه دعوی ایلسی طبیعی اولوب هر ایکی طرف کندی مطلوبلری تحت حکم الیر دقدن صکره حکومتک لهنده اولانی اجرا وعلینده بولنانک اجراسنی تأخیر ایتدیرمک دخی نابل اوله میه جغنی واکر معامله محسوبه خلاف اصول ایسه باطل دیمک اوله جغندن نظارت مالیجه مرقومانک حکومته اولان دینلرینک تحصیلنه تشبث ایدلمک لازم کلوب مؤکلی علیه ضرر

احکامنه استناداً ضرر وزیران دعواسنه قالمشدیغنی حالده حکومتی اضرار ایده بیلسنک ملحوظ اولسی رابعاً کندوسی دولتک عسکرینه ارزاق و یرمش و دولت ایله اولان تعهدینی یرینه کتورمش اولدیغنی حالده اثماتی برچوق زمان اله مامسندن طولایی مغدور اولسی خامساً یدنده کی سرکیلر قیرمه حواله لردن اولیوب بالذات کندو اله جغنی اولدیغنی کبی میری به اولان بورجی دخی کندوسنک بولنسی سادساً مشار الیه تحسین پاشانک یانیه فرقه عسکریه سی قوماندانی ایکن عساکر شاهانه نک تأمین اداره سی ایچون دولتک طار بر وقتنده قزاقه افدینک فوق العاده حسن خدمت ایلدیکنی معرض تقدیرده بیان ایله برابر سلانیکده بولنان عساکر شاهانه نک اداره لرینی تأمین و ارزاق متعهدلری ایله حکومت بیننده اولان امنیتک دوام و محافظه سی ایچون متعهدله قارشو بر تأمینات علیه اعطاسنه لزوم کوسترسی کیفیتری اولدیغنی بیان قلمشدر

مصطفی افدینک لایحه لرنده دخی قزاقه افندی ایله یوسف کینک اعشار بدلاتی و صید ماهی رسومندن اولان دینلری و قبیله ولایت مال مأمورلری طرفندن تحصیل اولنیه رق تداخل ایش و کفیللری یونانستانده بولنهرق مراجعت اولنیه میه جغنی کبی مرقومانک دینلرینه مقابل مال صندوقنده اولان اله جقندن بشقه ثروتلری قالمش و خصوصیه هر ایکی طرف یکدیگرینه اولان دینلرینه مقابل اله جقندن ظفر بوللریله

وزیران دعواسنه محل اولدیغنی و معامله محسوبه نک اجرا سندن صکره کیفیتک مالیه نظارتنه اشعار اولندیغنی افاده دن عبارتدر

خزیننه و کیلی عمر اشرف افندی مرقومان قزاقه افندی و یوسف کیلی به احاله اولنان اعشار بدلاتیه صید ماهی رسومنک ظهور ایده جگ مطلوبلرینه محسوب ایدلماسی شرط مقوله اقتضا سندن اولدیغنی و ایفادن استنکاف ایتدیگری تقدیرده محکمه به بالمراجعه تحت حکمه الیرلق اقتضا ایتدیکی حالده مغایر شرط مقوله اوله رق محسوبک اجرا ایدلسی بولسز اولدیغنی کبی کفیلنک یونانستانده بولنسی اصولاً علیه اقامه دعوی به مانع اولیوب مرقومانک مفلس اولدقلمی محکمه جه تحت حکمه ایتقسزین مال صندیننده اولان مطلوبلرندن ماعدا ثروتلری اولدیغنی بیان قلمسی دخی مسموع اوله میه جغنی سوبلده تحسین پاشا ایله رشاد بک مذکور اعشار و صید ماهی رسومی زمان مأمور یلرندن مقدم احاله ایدلمش اولدیغندن شرط مقوله کندور لجه مجهول بولندیغنی و مرقومانک اموال ولایتدن اولان مطلوبلری شوندن بوندن قرمه طریقیله طو پلاش حوالاتدن اولیوب ارزاق بدلاتی اوله رق کندی ناملرینه محرر برطاقم سندات مخصوصه و سرکیلر ایله طلب ایش اولدقندن و قونطورانو سندلرنده ویره جگری ارزاق بهاسنک آی بای تسویه سی مشروط ایکن نصلسه برچوق زمان تسویه ایدیه مامش اولدیغندن اولوجه له اجرای محسوبی ضروری ایدو کنی و بوندن خزینه جلیله به برکونه ضرر ترتیب ایتدیکنی و مالیه نظارتنک حکمسز براغلدی دنیلان بحر براتی

طقسان التي سنه سی اموالی سنه مذکوره مصارفنه قارشولق اولدیغندن بحثله قزاقه افدینک آله جغنی بوندن تسویه سی قابل اوله میه جغنه دائر و فی ۲۸ نيسان سنه ۱۲۹۶ تاریخلی اولوب مجلس اداره نک معامله محسوبه قراری فی ۱۹ مایس سنه ۹۷ تاریخلی اولمغه عند الحسب نظارت مشار الیهانک امری بر سنه اول ککش و حکمی ده اولوقت انفاذ اولمش اولدیغندن و طقسان التي سنه سی مالندن قزاقه افندی به نقداً پاره ویرلدیکندن امرک بوجهتک دخی حکمسز براغلدیغنی افاده ایلدیله

مواد ار بعه دن ایکنجیمی اولان حاله اعشار مسئله سنه یکلده مدعی عمومی جمال بک ایله خزینه و کیلی عمر اشرف افندی بو باده اولان دعوارینک ولایتجه اعشار مذکورنک مغایر تعلیمات و استیذان احاله ایدلمش اولسنه دائر بولندیغنی افاده ایدوب بونلردن عمر افدینک استدعا نامه سننده دخی جانب ولایتدن نظارت مالیه به سبق ایدن اشعارده شمندوفر موقعلرینه بعد مسافه سی و حاصلنک کج ادراک ایدلسی و یونانستان ایله بلغارستانه جواریتی حسبیله تمشیر به حاصلنک نقلی متعسر اولان و احاله سی امانتاً اداره سندن هر صورتله فائده لی بولنان معلوم الاساهی قضا و ناحیه اعشارینک صائلی لزومی کوسترسیله نظارت مشار الیهان اصول و نظامی دائره سنده بالزایده حد لایق بولندیغنی و بشقه طالبی ظهور ایتدیکی حالده احاله به مساعدنه اولمش ایکن ولایتجه سلانیکه قریب اولان یرلر اعشاری

مأذونیت و تعلیماته مخالف اوله رق حاله ایدلدیکی  
وا حاله نك فسخی حقدنه جانب نظارتدن وقوع  
بولان تبلیغات دخی حکمسنز براغیلوب اگرچه  
بونک سببی اولمق اوزره مضایقه مالیه درمیان  
ایدلکنده ایسه ده ذاتاً مذکور حاله بدلی التي آیده  
التي تقسیط ایله استیفا ایدلک اوزره مشروط  
اولمسی و بدل مذکورک قسم اعظمی حوالات  
مادیه نك تسویه سی ضمننده صرف ایدلمسی  
ولایتجه پاره به احتیاج اولدیغنه دلالت ایددیکی  
کبی ملتزمک در عهده ایدلکری محللر اعشاری  
همان اون بیک التونه قریب تمتع ایله دیکر لرینه  
صانده قری اکلاشلدیغندن افاده لرینک حکمسنز  
اولوب بوجهتدن دخی خزینه نك متضرر اولدیغی  
درمیان ایدلشدر

مریم قولی افندینک لایحه سنده اگرچه بعض محللر  
اعشارینک حاله والزامی دفع احتیاجه مبنی  
اولدیغی اثنای تحقیقاته مؤکلی تحسین پاشا  
طرفندن افاده اولنش ایسه ده حقیقت حالک  
بویله اولیوب مقام ولایتدن مجلس اداره قرار یله  
مالیه نظارته کشیده اولنان فی ۶ تموز سنه  
۹۷ تاریخی تلغرافنامه ده عورتحصاری  
وتکوش قضاری ایله مؤخرأ طالببری ظهور  
ایدن کو پر یلی قضاسی وقره طاغ وقرن ناحیه لری  
طوپدن مزایده ایدیلرک حاصلات صافیة  
سابقه سنه نسبتله کیتلو ضمیر ایله موقناً حاله لری اجرا  
قلتمش اولوب اگرچه برقصانک طوپدن امر  
مزایده و حاله سی اصلاً طالب بولنه مامق و یا

بولنور ایسه کندولرینه امنیت اولنه مامق سیبله  
اعشارینک کوی کوی حاله سی قابل اوله مزایسه  
جائز اوله جغی اعشار تعلیماتک اون التبحی  
ماده سنده مصرح ایسه ده وقتک مروری جهتله  
برقضا اعشارینک کوی کوی حاله سی قابل  
اوله میه جغی و بولنه بیلان بدلاتک اول حاله نزل  
ایتمی طبیعی اوله جغی کبی طوپدن مزایده  
اولنقده اولان قضا لره و یریلان بدلات مانناً  
اداره اولند قری تاریخلر ده کی بدلاتک درجه ده  
برمثلنه قدر بالغ اولغله برابر ملتزمیندن کوریلان  
رعباتک دخی کون بکون تزایدی جهتیهله مزایده  
بدل لرینک ده از یاده تزاید ایتمی مأمول وهر حاله  
اداره سنندن بوضورتله حاله سی منافع کثیره یی  
موجب اوله جغی ملحوظ اولدیغندن بختله طوپدن  
مزایده ایدلکنده اولدیغی و فی ۱۸ تموز سنه  
۹۷ تاریخلو تلغرافنامه ده دخی اون درت بیک  
کیل حنظه واون درت بیک کیل شعیر و یرمک  
شرطیه اوتوز التي بیک اکیوز التون بدل ایله  
سیروز وز یخنه قضاری اعشارینه سلانکنده  
ملتزم ظهور انش و مقدار مذکور بدل سبقتنه  
نسبتله اون بیک التون قدر فضله کورنمش  
اولدیغندن حاله موقته سننک اجرا قلندیغی  
اشعار اولندیغی کبی مذکور اعشار بدلاتی دخی  
خزینه وکیلی اشرف افندینک اداسی و جهله التي  
تقسیمده التیوب بر قسمی مالیه نظارتی جانندن  
یوزده اون التي تنزیلیله وعده سی حلولندن اول  
النمش و قسم دیکر دخی الاطینی باز رکاندن انسان  
اچقه مقابلنده مرقومه ترک اولنش اولدیغی و انشار

احاله سنندن مجانبت اولنسنه دائر ذکر اولنان  
محللر اعشارینک حاله سنندن برای صکره یعنی  
فی ۳۱ اغستوس سنه ۹۷ تاریخلنده  
برتلغرافنامه کتکله اعشار حاله سنندن فراغت  
ایدلدیکی وشو تلغراف اوزرینه در دست حاله  
بولندیغی حاله فراغت ایدیلان درامه قضاسی  
اعشاری عند المزایده برملیون التي یوز الی  
وطوپراق قضاسی اعشاری دخی التي یوز کسور  
بیک غروشه طالبی عهده سننده تقرر ایش ایکن  
برموجب امر امانة اداره ایدلمسی اوزرینه  
درامه قضاسی اعشارندن انجق برملیون و طوپراق  
قضاسی اعشارندن اوچ یوز بیک غروش حاصل  
اولدیغندن اعشارک حاله والزامنک امانة  
اداره سنندن دهافانده لو اولدیغنک بوضورتله  
دخی تحقیق ایددیکی وتکوش قضاسی مالمدیری  
کیال افندی طرفندن روایت اولندیغی و جهله حاله  
اعشاره دائر مقام ولایت برکونه تلغراف کلدیکی  
کوسترلشدر

رشاد بیک لایحه لرنده دخی مریم قولی افندینک  
آنفاً ذکر اولنان لایحه سی مندرجاتی تکرار ایله  
برابر حاله اعشار خصوصی مقام ولایتک  
اعشاری اوزرینه مالیه نظارتدن و یریلان  
مأذونیه مستند اولوب اوتوز بیک التون قدر  
نفع خزینه دخی حاصل اولغله حاله دن طولابی  
مسؤولت لری لازم کلیه جکی و خصوصیه قنغی  
قضارک حاله سی امانة اداره سنندن ده خیرلو  
اوله جغی تعیین و بیان ایله صورت حاله نك تعلیماته  
توفیق مقام ولایت اله دفتر دار و اعشار ناظرینه

عائد مواددن اولوب بونلردن طولابی دخی کندو  
سنه سؤال توجه ایتیه جکی ومذکور قضا لره  
بعضیلرینک مزایده سننده بولندیغی بیان اولنش  
ومصطفی افندینک لایحه لرنده دخی ذکر اولنان  
محللر اعشارینک حاله سی صورتده خزینه جه  
منافع حاصل اوله جغی سنین سابقه یه نظراً  
ایدیلان استدالات ایله اکلاشیه لرق اولوجهله  
بیان رأی ایتدکلرندن و صورت حاله سننده دخی  
مالیه نظارتدن بالاستیذان النان امر لره توفیق  
حرکت ایدلکلرندن طولابی مؤکلری مجلس اداره  
اعضاسنک مسؤل اوله میه جق لری بیان قلتمشدر

رفیق بیک لایحه سننده مدعی عمومی طرفندن  
ایضاح اولندیغی و جهله مؤکلی اعشار ناظری  
سابق حنیف افندی علیه درمیان اولنان  
اعشارک کوی کوی حاله اولنیوب قضا بقضا  
احاله اولنش اولمسی و وقوع بولان یولسز قلرک  
مرجعنه اخبار ایدلماسی ماده لری ایسه ده موضوع  
بحث اولان محللر اعشارینک قضا بقضا حاله سی  
مالیه نظارتک اوامر متعدده سنه مستند  
بولنش اولدیغندن و بدلات مقرر نك حد نصابنده  
اولدیغی و بشقه طالبی بولندیغی و امر حاله خزینه  
جلیله ایچون موجب منفعت ایدوکی محللر نجه و مجلس  
اداره ولایتجه تصدیق و ذاتاً اعشار ذخائرینک  
دخی مزایده و فروختی بو مرکزده جریان ایتکنده  
بولنش ایدوکنندن مؤکلی مومی الیه حنیف  
افندینک مرجعنه اخبار ایتمیسی ایجاب ایدر  
برحال و یولسز قلر اولدیغی کبی اعشار ناظرینک  
اعشارک امر حاله سننده نه نوع وظیفه ایله  
مکلف اوله جق لرینه دائر برقانون اولیوب ولایتک

امور اداره سندن واليرك وجهت ماليه سندن دفتر دارلرک مسؤل بولند قلمري احكام نظاميه دن اولغله برابر والى و دفتر دارلرک وظائف مرتبه لر بنى اجرا و ايضا خصوصنده اعشار ناظرلر بنه برکونه حق تفتيش و برليوب بالعكس في ۲۴ حزيران سنه ۹۶ تاريخده تعمياً كشيده بيوريلان تلغرافنامه ساميده اعشار مأمورلرى حكومتك و سائط اجرائيه سى مقامنده معيتمده طوتيله رق اعشاره متعلق خصوصاتدن اداره ايله حسابيه دائر وظائف و حقوق و مسؤليت كاملاً واليره و ذخايرك تعشير و ادخارى و رايجه صايلوب خزينه نك خسار دن وقايه سى وظيفه سى ملكيه و ماليه مأمورلر بنه ترك و تخصيص ايدلمش اولديغندن مافوقندن الدقلى اوامرى انفاذ و اجرايه مأمور اولان اعشار ناظرلر نك مافوقنك اجرا آتندن مسؤل اولما لرى طبعى اولديغى بيانيله مؤكلى حنيف افدينك تصديق برائتى طلب ايدلمشدر

مدعى عمومى جمال بك افندى مقام ولايت دن ماليه نظارته كشيده اولنان في ۱۴ حزيران سنه ۹۷ تاريخلى تلغرافنامه اوزرينه احاله سنه مساعده اولنان محلالر ايله بلاستيدان ولايتجه موقع مزايده يه وضع اولنان قره طماغ ناحيه سندن غيرى عور تحصارى قضاسى ايله تكوش قضاسنك بعض محلالر نك طوپدن مزايده ايديله رك موقتاً احاله ايدلدكلى في ۴ تموز سنه ۹۷ تاريخلى تلغرافنامه ايله عرض اولنمش اولديغندن شو ايكي تلغرافنامه اره سنده كدران ايدن يكرمى كون ظرفنده تعليماته

توفيقاً قره بقره مزايده ممكن ايكن ولايتجه استيدان ايدلميان محلالر ايله برابر چله سنك قضا بقضا مزايده ايدلمسى مغاير تعليمات و استيدان اولديغى كى برنجى تلغرافنامه ده محرر اولديغى اوزره تشير ايچون مأمورلر تعيين قلمش اولسى وقت حصداك حلونله دلالت ايتديكندن مذكور قضالر حصداك كج ادراك ايدلدكلكمك تلغرافنامه ده ذكر اولنشى دخى طوغرى اولديغى سوليسيله مصطفى افندى محصولى كج ادراك اولنان محلالر تموز اغستوس آيرنده و ايركن ادراك اولنان محلالر جزيراده تعشير ايدلكده اولوب بوسببه مبنى اعشار تعليماتده دخى جزيراندن اول احاله نك اجراسى محررايدوكدن و ذكر اولنان محلالر احاله سى جزيران ايچده استيدان اولنسيميله حاصلاتى كج ادراك اولنان محلالر زمان تعشير بنه نقدر مدت قالدغى بالطبع معلوم اولديغى حالده نظارت مشار اليهاحه حصول منفعت مقصدى ايله مساعده ايدلمش و قضا بقضا مزايده ايدلكده اولديغنه و تكون قضاسنك برقىمى ايله قره طماغ ناحيه سنك غيرى عور تحصارى قضاسنك دخى اولجه استيدان اولنان محلالر ايله مزايده يه قونلديغنه دائر اولان اشعارات نظارت مشار اليهاجه قبول و تصديق اولنمش اولديغندن اعشار مذكوره نك كوى كوى مزايده اولنماسندن و مذكور عور تحصار و تكوش قضالر يك صكره دن مزايده يه قونلنندن طولاي مؤكللى حقتنده توجيه سؤاله مح اولديغى و تحسين پاشا سيروزوز بخنه قضالرن اعشار نك احاله ايدلدكلى كونك اقشامى عثمان

افندى نامنده برى كندوسنه مراجعت ايدرك زبخنه قضاسى بالفرق حاله اولنديغى حالده بدل مقرره يك التون ضم ايله برطالب بولنديغى افاده ايتسيميله ظهور ايدن طالبك كيم اولديغى سؤال ايدلكده كتم ايتديكندن ايرتسى كون مجلس اداره كهرك افاده ايتسى تنبيه و كيقيتى همان باتد كره دفتر دار صالح افندى يه اخبار ايتديكى و ايرتسى كون مجلسه عز يمله موخى اليه عثمان افندى يه منتظر اولمش ايسه ده كلمديكندن جلب ايله استفسار ايدلكده طالب اولان ذاتدن مؤخرأ المش اولديغى تلغرافنامه ده ضم ايله طلبدن فراغت ايدلدكلك اشعار قلنديغى سو يلدكلى افاده و مصطفى افندى ملترملرك درعهده ايدلكلى اعشارى بشقه لر بنه صاتماملر بنه و كار ايتاملر بنه دائر برقانون اولديغندن ملترملرك درعهده ايتدكلى محلالر بشقه لر بنه صاته رق كار ايتمش اولدقلى نك مؤكلرندن سؤالنه محل اوليوب فقط ملترملرك اولجه اتقاق ايتدكلى و قنغى قضا ايچون بعد الاحاله ضم و وقوع بولديغى مؤكلر بنجه مجهول اولديغندن ايضاحنى طلب ايتكله عمر اشرف افندى بورالرينك تحسين بك دخى داخل اولديغى حالده تشكيل قلنان تحقيق قوميسيونى مضبطه سندن اكلاشليغى سو يلدكده تحسين بك مضبطه مرقومه يه بعد الاحاله بعض قضالر اعشار بنه ضم ايله طالب ظهور ايتمش اولديغلك استخبار ايدلدكلكه دائر برقره درج اولنمش ايسه ده اولوجهله طالب ظهور ايله رسماً مجلس اداره يه مراجعت ايتديكى و رشاد بك دخى طقسان التى

سنه سى اعشارندن اختلاس وقوع بولديغى بيانيله انك مقياس عد اولنه ميه جنى ادعا اولنيور ايسه ده اختلاس مذكور عظيم برشى اوليوب سيروزوز بخنه قضالرى حاصلات عشر يه سندن اختلاس ايدلدكلكه دائر سيروزوز متصرفلغندن وقوع بولان اشعار اوزرينه جانب ولايتدن و ماليه نظارتدن اعزام قلنان مأمورلر معرفتيله مكرراً اجرا قلنان تحقيقاتده ذخائر عشر يه دن اون بش يك غروش قيتنده اختلاس وقوع بولديغى اكلاشيلوب انجق بوده الاآن تحت حكمه التامش اولديغندن و مظنون عليه عد اولنان مأمورلر دخى ايشلرى باشنده بولند قلدن و حالبوكه مذكور زبخنه قضاسى اعشارى سنه سابق حاصلات صافيه سندن اون يك التون فضله بدل ايله احاله ايدلدكلكدن ولايتك تحقيق مأمورى جلب و اعزام ايتسندن طولاي سنه سابق حاصلاتك مقياس عد ايدلماسى لازم كليه جكنى افاده و اشرف افندى اشبو اعشار بدلاتندن خزينه جليله نك وقت تقاسيطى حلولندن مقدم اسقونطو ايدرك ملترملردن اچقه الديغى مريم قولى افدينك لايحه سنده بيان قلمش ايسه ده افاده مذكوره حقيقت حاله و قيود خزينه يه موافق اوليوب مذكور اعشارك ولايتجه دفع مضايقه مقصديه احاله اولنديغلك مال اوراقدن اكلاشليغى درميان ايدلكده مريم قولى افندى مؤكلى تحسين پاشا اعشار مذكوره نك دفع احتياج ايچون احاله اولنديغى اثنائى تحقيقاتده افاده ايلش ايسه ده استيدانى حاوى تلغرافنامه لرده

پویله بر قید اولدیغی کبی اعشار مذکوره بدلاتندن بر قسمنک وقت تقاسیطی حلولندن مقدم جانب نظارتدن اسقونطو ایدیلهرک اخذ اولنسی دخی اعشار مذکوره نك دفع احتیاج مقصدیله صاتلدیغنه دلیل اولدیغی افاده وتکرار ایتسی اوزرینه عمر اشرف افندی نظارت مشار الیها اسقونطو ایله اعشار مذکوره بدلاتندن اچقه المیوب فقط وعده سی حلولنده بر دینه محسوب ایدلش اولدیغی بیان ایتسیله مریم قوی افندی اعشارک ولایتجه دفع احتیاج ایچون الزام اولنمدیغی اشرف افندیك افاده اخیره سی ایله متین اولدیغندن اسقونطو ایدیلوب ایدلدیکنی تحقیقه لزوم اولدیغی سویلدی

بازرکانه ترك وحواله اولنسی حوالاتک معلوم اولان قیمتلرینه نسبتاً خزینه جلیله نك اوچیک التون ضررینی استلزام ایدلدیکی اداسندن عبارتدر مریم قوی افندیك لایحه سنده بر موجب اراده لغو اولنان ژاندرمه طابوری افرادینک تراکم ایدن معاش ومصارفک مقداری اون بیک التونی نجوز ایتسندن واستحقاقری تسویه اولنمدیجه مملکتلرینه کوندرلسی قابل اولیوب ولایت مال صندوقده دخی اولقدار اچقه بولنماسندن وحقری ویریلنجیه قدر کندولرینک طاعداماسنی جهتنه کیدلسه هم محل آسایش اولان احوال وحرکاتلرینک همه دولته بولنان اله جقرینک تزاید ایتسی طبیعی بولنمسندن ناشی الاطینی بازرکاندن بش بیک التونلک حواله قبول اولنق شرطیله نقداً بلافااض اون بیک التون النهرق تسویه مصلحت اولندیغی ومبلغ مزبوره مقابل مرقوم بازرکانه اعشر بدلاتنک بعض تقاسیطی سنداتی دور ایدلدیکی ومذکور حواله لرك تسوییدی حقیقده مالیه نظارتدن اکیداً امرلر ویرلش وطقسان الی سنه سی حاصلاتندن اولوب دردست فروخت اولان زخیره اثماتی ایله قارشولشدرلش اولدیغندن حواله لرك اولوجهله قبولی خزینه حقیقده خیرنو اولدیغی کبی کیفیت مجلس اداره ولایتک رأی وتنسیبی ایله اجرا وهمان مقام جلیل صدارتینهای به با مضبطه عرض وانها قلندیغی بیان اولنشد

رشاد بکک لایحه لرنده دخی مذکور طابورک لغو

ایدلسندن طولایی حکومت سنیه جه ثابت ومتحقق اولدیغی اوزره سلانیک کبی اهمیت مخصوصه بی حاز اولان بر ولایت برطاقم مسلح سرسریلرک تسلطلرندن تخلیص ایدلک وولایتک عموم اهلینسه القا ایتدکری دهشت وهیجان تسکین وازاله اولنق وخزینه دولت هرآی ایکی بیک بشیوز التون مصرفدن قورتارلق وحصولی قویاً ملحوظ اولان شورش وغلیان اوزرینه تعرضات ومداخلات اجتنیه به میدان براغلامق کبی حکمت سیاسییه ومنفعت خزینه به موافق اوله رق درت صورتله حاصل اولان فائده شایان تقدیر اولغله برابر حوالاتک حاوی اولدیغی مبالغ ولایات مال صندوقلرندن تماماً ویرلکده اولدیغندن صرافان یلیننده اولان قیمتیه نسبتاً خزینه نك متضرر اولدیغنک دعوی ایدلسی واهی اولدیغی کبی مجلس اداره مقام ولایتک هیئت مشاوره سی اولدیغندن ویردیکی قرارلرک اجرا سندن محتاج استیذان اولانلری ایدوب ایتمامکدن طولایی برمسؤولیت ترتب ایدر ايسه ولایت نظامنامه سنک سکسان برنجی ماده سی حکمینه والیرله عائد اولدیغی درمیان ایدلشدر

مصطفی افندیك لایحه لرنده دخی مذکور طابور افرادی استحقاقری الی المدیجه کندولرینی موظف عد ایدیه جکلرینی افاده ایللری و ذاتاً مأمورین انضباطیه معاشرینک اول باول تسویه سی اوامر متعدده احکامندن بولنسی جهتنه کیفیت مجلسجه لدی التذکر محاسبه قلندن ویریلان پوصله دن

ودفتردار صالح افندیك افادات واقعه سندن مال صندوقنده پاره اولیوب اوکونلرده النهجق تقاسیط کسوری دخی مصارف مبرمه عسکریه به یله کفایت ایدیه میجکی وافراد مرقومه استحقاقرینک استقراض عقدی ایله تسویه سندن بشقه چاره اولدیغی اکلاشلش و بویله استقراضلر ولایتجه متوالی الوقوع اولوب الاطینی بازرکان ایله سائرلرینک مال صندوقنده اولان مطلوبلرینک تسویه سی دخی ذاتاً امر اقتضاسندن بولنمش اولسنه والا طینی بازرکاندن اولوجهله استقراض عقدی دولتک وعده غیر معینه ایله دین ایتدیکی بر پاره بی مجرد بلا نما اون بیک التون تدارکی ایله برغانه نك دفعی ایچون وعده معینه ایله تأجیل دیمک اولغله بو باده برکونه بولسزلق کور یله مامسنه بناء استقراض عقدینک تصویب ایدلدیکی واستیذان اولنوب اولنماسنک مؤکلمرینه تعلق اولدیغی کوسرلشدر

مریم قوی افندی لایحه سی مندرجاتنه علاوه استقراض یکیدن بر بورج ایدنمکه دینوب بوايشده ايسه افراد مرقومه استحقاقرینک تسویه سی ایچون الاطینی بازرکاندن النان اچقه به مقابل اعشار ملتر ملرینک تقاسیط سنداتی مرقومه ویریله لرك حقیقده حواله صورتیله تسویه دین ایدلش اولدیغندن معامله مذکوره به استقراض دنیه میه جکنی وشهری افندی دخی شو مطالعده بی تصدیق ایله برابر معامله مذکوره به استقراض دینسه یله مادام که خزینه به برکونه ضرر ترتب ایتمامشدر

استیذان ایلامسندن طولایی مدعی عمومیلک طرفندن اقامه دعویاه محل اولدیغنی افاده ایلدکده عمر اشرف افندی حوالات عادیه ننگ سنین سابقه بقایاسندن تسویه سی امر اقتضا سندن اولدیغنی حالده الاطینیک طقسان التي سنه سی مالندن مطلوبی اولان بشیک التون طقسان یدی سنه سی مالندن تسویه ایدیله رک خزینه ننگ اضرار ایلدیکنی در میان ائلسیله شهری افندی ذکر اولنان حواله رک تسویه سنک مالیه نظارتدن تأکیداً امر اولدیغنی مریم قوی افندی لایحه سنده حکایه ایلدیکندن بوا مررک تحقیق حالنده اشرف افندی شوافاده سنه محلی قالیه جغنی جهته او امر مذکوره ننگ ابراز ایلمسی طلب ایتدکد مریم قوی افندی ولایته رسماً کلان محررات عائد اولدیغنی دائره حواله ایدیله حکندن او امر مذکوره ننگ محلی بولندیغنی ومع مافیه مدعی عمومیلک طرفندن بویولده اقامه دعوی اولدیغنی وذاتاً طقسان التي سنه سی اعشاری حاصلاتندن در دست فروخت اولان ذخائر اثمائی ولایحه بوکا قارشولق طولش اولدیغندن اساساً دعویاه دخی محل اولدیغنی افاده ایلدی

مواد مدعا بهادن در دنجیبی سلانیکده یونجیلر قریه سندن بولنان قشلاغک املاک امیریدن اولدیغنی تواتراً اثباتی ایچون صرف اولنان بیک ایکی یوز ایکی التون دفتر دار سابق صرف افندی زمان مأمور یتنده صرف ایلمش بوبندن طولایی مومی الیهک اجرای محاکمه سی داخلیه دائره سنجه قرار لشدر بیلررق بالاستیذان اراده سنیه جناب پادشاهی شرف صادر اولدیغنی فی ۱۵ دی القعه سنه ۳۰۱ تاریخلی تذکره سامیا ایله بیان بیورلمش اولدیغندن افندی مشارالیه جلب اولنه رق اوراق لازمه تبلیغ و طرفندن وکلت عامه ایله توکیل ایتدیکی دعوی وکیلارندن محمد رشید افندی وکالتی تسجیل اولندقدن صکره مده مذکوره ننگ تدقیقات و محاکمه سنه ایتدار اولندقدن مدعی عمومی جمال بک افندی کیندوسنک ادعی مصارف مرقومه ننگ بلا استیذان اختیار ایلدیکنه دائر اولوب صورت صرفجه اولان یولسزلک عمر اشرف افندی طرفندن ایضاح ایلمسی وعارف

اشبو استقراض معاملات حقنده دائره جه مطالعه سنه لزوم کوریلوب محلی طلب اولنان اوراقک کوندر لیکنه دائر سلانیک ولایتندن وارد اولان فی ۲۱ دی القعه سنه ۳۰۱ تاریخلی تحریراتده الاطینی باز کاندن اخذ و قبول اولنان حوالاتک تسویه سنه دائر مالیه نظارتدن تأکیداً کوندرلمش تحریرات اولدیغنی بیان قلندیغندن نه دیه جگری مطنون علیهمدن سؤال اولندقدن جدی بک مجلس اداره جه تأدیسه سی مؤکداً امر اولدیغنی دفتر دار

افندی ننگ فعلی قرار نامه ده یوز ایکنجی ماده یه توفیق ایلدیکندن ماده مذکوره موجبجه حقنده معامله اولنسی لازم کله جکنی افاده ائلمش و اشرف افندی استدعا نامه سننده ایسه ذکر اولنان بیک ایکی یوز ایکی التون مغایر قانون وقاعده اوله رق صرف ایلمش اولدیغندن بونک و مواد سائر دن طولایی خزینه یه ترتب ایدن بالجمله ضرر وزیران ایله مصارف محاکمه ننگ مشتکی عنهمدن اخذینه قرار و برلسی طلب ایلدیشدر

مریم قوی افندی لایحه سننده اوراق تحقیقه ده اسبابی مفصلاً مندرج اولدیغنی اوزره مذکور قشلاق دعوی ایچون التي یوز التون قدر مصرف اختیاری مجلس اداره جه قرار لشدر برلسی اوزرینه مقام ولایتدن مبلغ مر بونک تلفدن وقایه سی ایچون مجلس اداره اعضاسندن ابراهیم و جدی بکر ایله محاسبه کتبه سندن محمد افندی مأمور تعیین قلندیغنی بوبندن زیاده صرف اولنان مقدار حقنده مؤکلی تحسین پاشا طرفندن برکونه رأی اعطا اولتیوب فقط مومی الیهک مسل اولان استقامت لرینه بناء افاده لرینه اعتماد ایله وقوع حال جانب باب عالی یه عرض و اشعار اولنه رق قبولی استیذان ایلدیکنی بیان قلنشدر

مصطفی افندی لایحه لرنده دخی ذکر اولنان یونجیلر قشلاغک املاک همایوندن اولدیغنی جله ننگ معلومی ایکن جوار قرا اهالیسی تصرف دعوا سنه قیام ایدرک مستأجر لرینی طرد و اخراج و قشلاغک

کندولر ننگ اولدیغنه دائر سلانیک استیفاف محکمه سندن غیاباً بر اعلام استحصال ایتمری اوزرینه جانب حکومتدن اعلام مذکور علیهنده اعتراض اولنه رق یکیدن ایشک تدقیق و محاکمه سنه باشلانلقدن مذکور قشلاغک محلیده شهود شخصیه ایله متواتراً اثبات ایلمسی حقنده و بریلان قرارک اجراسنه مؤکلرندن ابراهیم و جدی بکر و اولبابده صرفی تخمین اولنان التي یوز التونک صرف و اعطاسنه دخی محاسبه ولایت کتبه سندن محمد افندی مأمور ایلمسیله هیئت حکومتک تنسیبی وجهله بوبابده معلوماتی اولنرک کلوب شهادت ایتمری میر مومی الیهما طرفندن لازم کلنره اخبار و اشعار اولندقدن مسئله ننگ اهمیتنه و تصرف دعوا سننده بولنان کویولرک بک چوق شاهد استحضار ایتمرینه نظراً جوار قرا اهالیسندن ایکی بیک بشبوز قدر کسان ایفای شهادت معرضنده مذکور قشلاغک کلدکلرندن اولجه تخمین اولنان التي یوز التون مصارف واقعه یه کفایت ایتمکله طرفلرندن بالضروره التي یوز ایکی التون دها صرف اولنمش ایسه ده مصارف مذکوره ننگ ادعای تصرف ایدنلرندن التسنه محکمه مذکوره جه قرار و برلمش اولدیغندن بوبابده خزینه یه برکونه ضرر ترتب ایتدیکی کبی مصارف مرقومه ذاتاً مومی الیه محمد افندی یدیله صرف اولنوب مومی الیهما ابراهیم و جدی بکر صورت صرفنه نظارت ایش اولدکلرندن ودعاوی

حکومت ایچون وقوع بوله جق مصارفه دائر  
موازنه یه مقدار معلوم اچقه ادخال اولنوب  
شوحالده مصارف مذکوره موازنه داخلنده اوله رق  
صرف اولنمش اولدیغندن اساساً استیذانه دخی  
لزوم اولدیغی افاده قلمشدر  
( مابعدی وار )

## اعلان

( ازمید بدایت محکمه سی جزادائره سندن )

اطه پازاری قضاسنک کیوه طریقنده باطوم  
مهاجرلندن ابراهیم ورجب افندیلرک اچقه  
واشیاسنی اخذوغصب ایلرندن طولانی جنایتله متهم  
اولوب موقوف بولنان زور بکک رقاسندن  
والآن وادی فرارده بولنان قضاء مذکوره تابع  
حندق ناحیه سنک اوزونجه اورمان قریه سندن  
وابازه مهاجرلندن اوزنجه بویلی کوچک برون  
مائی کوز وعادتا اغزی صقالی مطروش سیاه  
قاش و سیاه صاج واسمر بکزی رنجبر یکر می بش  
یاشنده غزوج بن غوزه وقریه مذکوره دن مرقوم  
غزوجک بیوک برادری اوزون بویلی کوچک  
برون و صاریجه کوز وعادتا اغزی صاری صقالی  
صاری قاش و صاری صاچلی قرمزی بکزی رنجبر اوتوز  
ایکی یاشنده ماج بن غوچه و ناحیه مذکورک  
سیوری تپه قریه سندن و مهاجرین مرقومه دن  
اورته بویلی دوز الن وعادتا برون والا کوز

وعادتا اغز و سیوری چکه سیاه قاش و سیاه صاچلی  
واسمر بکزی یکر می بش یاشنده ابازه شحاف ایله  
دوزجه قضاسنک افته یه حاجی سلیمان بک نریه  
سنده ساکن اورته بویلی اینجه وجودلی بغدادی  
بکزی یکر می بش یاشلرنده زور بک نام کسنه لره  
اصول محاکمه جزایه قانون موقنک اوچیوز  
یتش برنجی ماده سی موجبجه بو کره جانب  
ریاستدن مجدداً اون کون مهل ویرلمش اولغله  
مدت مذکوره ظرفنده کلوب اثبات وجود ایتدکاری  
تقدیرده قانونه اطاعت ایتماش نظریه باقیلارق  
اصول محاکمه مذکوره نک باب رابعنک فصل  
ثانیسنده محرر مواد احکامنه توفیقاً محاکمه غیایه لری  
بالاجرا حقوق مدینه دن اسقاط ایدیه چکاری  
کبی املاک و اموالرینک دخی تحت حجزه النه جغی  
و بوسره ده یرکونه ادعایه صلاحیتی اولیه جغی  
ومرقومونک بولندیغی محلی بیلنر خبر و یرکه  
وبالجمله ضابطه عدلیه مأمورلرینک اخذ و گرفت  
ایتمکه مکلف و مجبور اولدق لری بیلنمک اوزره  
اعلان کیفیته ایتدار قلندی

فی ۲۱ تشرین اول سنه ۳۰۰